



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 1276 Usque Ad Annum 1312

**Fleury, Claude**

**August. Vind. [u.a.], 1766**

**VD18 90118251**

§. 12. Apostolici Nugariolanum.

---

[urn:nbn:de:hbz:466:1-67012](http://urn:nbn:de:hbz:466:1-67012)

Sæcul. XIII. accensas in synagogis, eoque afferebant  
A.C. 1290. dona, ut impetrarent sanitatem ægris,  
faustum iter versantibus in mari, pro-  
speram a prole solutionem parturientibus,  
foecunditatem sterilibus. Quamobrem  
volumen quinque legis libros continens  
eodem, quo Judæi, colebant ritu: quod  
Christianis quoddam idololatriæ genus  
videbatur. Papa tam indignas res sub-  
laturus Fratribus Minoribus Inquisitionis  
officium in provinciis Arelatensi, Aquen-  
si, ac Embrodunensi exercentibus scri-  
psit, ut in illas sedulo inquirerent, ac son-  
tes velut idololatras vel hæreticos tra-  
starent. Dabat 20 Febr. 1290.

## sup. ratio. §. XII.

*Apostolici condementur.*

Eodem anno Papa Nicolaus quosdam  
Religiosos perhibitos, qui se Apostoli-  
cos nominabant, iterum damnavit. In  
Rayn. 1290. n. 51. fuis hac de re litteris ad omnes Epis-  
Sup. l. 86. S. 48. copos scriptis ita loquitur: Papa Grego-  
rius X in concilio Lugdunensi conde-  
mnavit cunctos Ordines Mendicantium  
post generale concilium Lateranense in-  
ventos, nec a Summa Sede confirma-  
tos. Nihilominus Papa Honorius IV  
comperit, quosdam contempta hac inhi-  
bitione sub nomine Ordinis Apostolorum  
nova indutos ueste in varias orbis partes  
se

se diffundere, colligere stipem, & mali Sæcul.XIII.  
exempli vitam ducere; nonnullos etiam A.C.1290.  
hæresibus infectos esse. Igitur hanc se-  
ctam omnino dissolvere voluit, & vobis  
imperavit, ut omnes illos, qui eam profi-  
terentur, atque vestris in diœcesibus age-  
rent, per censuras cogeretis ejus ve-  
stem deponere, ac exhortaremini ad in-  
trandum Ordinem approbatum aliquem,  
si vitam religiosam amplecti cuperent.  
Ecclesiasticas censuras si spernerent, per  
carcerem eos vel aliter puniretis etiam  
invocato, si opus esset, Magistratus civilis  
præsidio, ac prohiberetis, ne Christiani  
eos recipierent, aut stipe donarent. Ha- *Bullar. Hon.*  
bemus hanc Papæ Honorii constitutio- *IV. Conf. I.*  
nem datam 11 Martii an. 1285. Papa *Rayn.* 1286.  
Nicolaus eam confirmans addit: Quo- *n. 36.*  
circa præcipimus, ut hujus generis homi-  
nes, si qui vestris in diœcesibus commo-  
rentur, per censuras adigatis, ut omissa  
veste sua respondeant de capitibus do-  
ctrinæ Christianæ, de quibus eos ab In-  
quisitoribus provinciarum diligenter volu-  
mus examinari consultis tamen horum  
vagantium Præsulibus. Nec permitte-  
tis, ut illi per orbem currant, concionen-  
tur, aut confessiones audiant, vel Apo-  
stoli dicantur. Hos Apostolicos, ut se *c. 39.*  
vocabant, condemnaverat etiam synodus *to. 11. Cone.*  
Cicestriæ in Anglia per Episcopum Gil- *p. 1352.*  
bertum anno priore habita.

X 4 Hujus

Sæcul. XIII.  
A.C. 1290.

*Fugna in  
Dirct. In-  
quis. p. 271.*

Hujus sectæ author creditur Gerardo Segarella Parmæ obscuris natus parentibus, indoctus & parum prudens: qui sub annum 1246, cum esset juvenis, inter Fratres Minores recipi cupierat. Non admissus, in eorum templo hærebat, quantum poterat, & attente spectabat imaginem, quæ Apostolos exhibebat palliis soleisque induitos, ut pingi solent. Itaque homo rudis statuit Apostolorum vitam imitari. Aluit barbam & crines suos: sibi curavit confici vestem nigram cum pallio albo e crasso texto ciicino: assumpsit funem pro cingulo, & soleas more Fratrum Minorum. Tum vendidit ædicularam suam, & accepto ejus pretio consernit saxum, in quo alias Prætor Parmensis ad populum dicebat: ac civit homunciones aliquos haud procul inde aleis in foro ludentes; & suam eis pecuniam projicit clamans: Capiat, qui volet, ac sibi habeat! Illi ea mox collecta ludum repetebant suum, impia in Deum verba præsente Gerardo evomentes.

Cum aliquamdiu Parmæ mansisset solus, scium primo quendam Robertum nomine, qui servierat Fratribus Minoribus, deinde brevi triginta comites obtinuit. Sed quia semper otiali, nec settatores suos curæ habere voluit, unus eorum, Guido Putagus dictus itidem Parmensis se illis ducem præbuit: postea hunc

hunc ferendo impares, quendam Mat- Sæcul. XIII.  
thæum sibi præfecerunt. Jam in multas A.C. 1290.  
Italiæ urbes se disperferant: & hæc pri-  
ma pars Faventiam advenit, ubi tunc e-  
rat Gerardus Segarella, qui magna ibi  
crimina committebat. Discipuli ejus  
exemplo se tradebant omni impunitatis  
generi. Valuit hæc res ad augendam  
fectam: quæ per totam propemodum  
Europam se diffundebat: at Segarella  
manebat Parmæ. Urbis Episcopus  
tunc erat Opizon a S. Vitale Papæ In-  
nocentii IV nepos, qui sub annum 1280  
Segarellam captum in carcere aliquam-  
diu tenuit: sed cum is insanum se simu-  
lasset, hinc eductum in palatio retinuit  
suo, ubi omnibus ludibrio idem fuit. Post-  
modo de criminibus ejus cæterorum-  
que Pseudoapostolorum edoctus Episcopus  
eos Parma & tota ex diœcesi pepulit an.  
1286. Tandem post annos quatuorde-  
cim Segarella ejusdem Episcopi & In-  
quisitoris Manfredi jussu comprehensus  
iterum, damnatus, & combustus est 18  
Julii an. 1300.

Sub idem tempus, quo Papa Nicolaus  
IV falsos Apostolicos condemnavit, Ray-  
mundum Goffredum Ordinis Minorum  
Ministrum Generalem voluit inquirere in *Vading*.  
quosdam ejusdem Ordinis & Narbonen- 1290. n. 11.  
sis provinciæ Religiosos, qui Petrum *Bzov*. n. 4.  
Joannem Olivam festantes, statum reli-

X 5                    quo-

**Sæcul. XIII.  
A.C. 1290.**

quorum Fratrum damnarent, & sibi longe plus familiaritatis cum Deo esse perhiberent; in provinciis tamen offendiculum ac turbas excitarent, & errores contra sanam doctrinam spargerent. Raymundus Bertrandum Cigoterium comitatus Vindascimi Inquisitorem illam rem gerere ac sibi perscribere jussit, eandem comitiis brevi Lutetiæ celebrandis expofiturus. Eventus docuit quosdam illorum spiritualium, quales quidem se jactaverant, reapse in errores incidisse: quod disciplinæ regulari obfuit: nam quoties aliquis eam instaurandam dicebat, unus de hac secta esse ferebatur.

### §. XIII.

#### *Concilium Nugariolanum.*

**A**maniæus Gerardi V Comitis Armeniacensis frater annos viginti octo Archiepiscopus Auscensis erat, cum Nugarioli in comitatu Armeniaco sabbato post annuam assumptæ in cœlum Virginæ Matris memoriam 19 Aug. 1290 concilium provinciale habuit, cui aderant sex ejus Suffraganei, scilicet Coferani, Oleronis, Tarbarum, Lascuræ, Ariæ, & Vasatarum Episcopi cum Procuratoribus Convenarum vacante sede. Id concilium canones decem edidit. Primus ita sonat: Tarbarum & Oleronis Episcopi Comitem

**Gall. Chr.  
to. I. p. 110.  
to. II. conc.  
p. 1353.  
E 2444.**